


Ositrán, amijai Perú jinti aina nuuvi



Uweja amua juinia jimaja ijuk dekapmamaug augmattai ainau

Awajún





Ashiti yujatai ainau najanku kuwichik aputamun diyaaku atin

Uweja amua juinia jimaja ijuk dekapmamau augmattai ainau “Ositrán, amijai Perú jinti aina nuwi”

Compilación de cuentos ganadores

Verónica Zambrano Copello

Presidenta del Consejo Directivo

María del Rosario Bazalar Huamán

Coordinadora de la Oficina de Comunicación Corporativa

Diisa etejaju

Ricardo González Vigil

Anahí Barrionuevo

Leonardo Dolores Cerna

Wagakaju:

Papijam Aidau

1.º puesto

Kajanum wekaemau

Matheo Valentino Rodríguez Alemán

I. E. Alexander Fleming de Arequipa

2.º puesto

Osi wekaesamu

Lucero Shantal Fernández Shupingahua

Colegio de Alto Rendimiento de San Martín

3.º puesto

Dakamtai augmattai nuwigtu Yacumama

Jhony Armando Retis Caballero

Colegio de Alto Rendimiento de Ucayali

Jintinkagtin Aidau

1.º puesto

Dekapeaku jintamkamu

Jerver Lenin Gonzales Toledo

I. E. John F. Kennedy de Ica

Esta es una publicación de la Oficina de Comunicación Corporativa

Primera edición, noviembre 2024

Hecho el Depósito Legal en la Biblioteca Nacional del Perú N.º 2024-12337

Impreso por Inversiones IAKOB S. A. C.

Jr. González Prada 615, Surquillo

Wainka takamainchau

Wayáamu

Ishintaja nuwigtu papijam aidau papí agata nuna kakantaidau dekajua, nigki anentaimas egkemja yujatai najankamua nunash eme anentus daiyau asagmatai, nunuwai shiig aneamua duka nuwigtu nuwi juwaki augmattai aina nuna iwainak dekapmamsatnume “Ositrán, amijai Perú jinti aina nuwi”, juti wajuk takaji nuna nagkaesau asamtai.

Juju uwejá amua juinia makichik ijuka agaja jiyamua juwig, wakemitkakji 240 papijam 3.º nuwigtu 4.º secundaria aujaidau pachiinkagmatai, antsag jintinkagtin papí wainkauch augtai akikmaka augtai aina nuwiyash ashi nugkanmaya pachiinkagmatai.

Augmattai aidauk, anentaimsaik nuniachkush nuniku aidau pachisa jiikbau dakamsa chimpimja nanamtai, unsug jintá, anuumtai, jiju kagkaetaiji nuniachkush chimpimja yujatai aina nunu takaamunum, jukagtawai “Kajanum wekaemau”, anentai junakti tusa wekaetai ainna nunu najanka emamuk atak atinun nuwigtush aents yachameak yapajinkatnun dutikawai tusa; nuniachkush “Osi wekaesamu” tamau, chigki jau ataktú nanaktag tau nuniamun dakamsa chimpimja nanamtai wajuk nunu wakegaun umijua dushakam.

“Dakamtai augmattai nuwigtu Yacumama” anumtai aidau kuwitamkam tsuwatchau asamtai nugka pegkeg amaina nuna apujui. Tuja “Dekapeaku jintamkamu” iwainawai dekas yachameaka unsug jintá eme anentsatnun tajimtamenak aents peruanos aidauš batsamsatin asamtai.

Juju mijanaik, Ositrán iwaina duka papijam nuwigtu jintinkagtin depetmakaja nunu ainawai Arequipa, San Martín, Ucayali nuwigtu lcanmaya aidau, nugka ajan aina nuwiya dutikamu tuja wajuk juti takatji kakanji nunu tikich papí augtai aina nuwi ashpi nugkanum jegatin.

Juti see tabau juna takata diistin tusa etejamu pekamas takasajua nunu, nuwig pachiinkaju papiin agau waitai Ricardo Gonzáles Vigil, papí agakmaun diin Anahí Barrionuevo nuwigtu Papí agakbau augtain apuji Ministerio de Cultura, Leonardo Dolores.

Makichik mijan ewaegak, juju takatnum uyunkagtau, see taji Ministerio de Cultura ibaju iwainamunum nuwigtush augmattai wakagaja nuwi ekagtamunum, uweja amua junia makichik ijuka tikich chichamnum jiyamunum, juti nugkaen tuke nugkentin batsata dushakam.

Verónica Zambrano Copello

Presidenta del Consejo Directivo del Ositrán

Kajanum wekaemau

MATHEO VALENTINO RODRIGUEZ ALEMÁN


I. E. ALEXANDER FLEMING DE AREQUIPA

1.^{er} puesto

Papíjam Aidau

Asau batsatkamu yaijuch Peruvía daagtin, muja
tenteamu nuwigtu namak tunigniju tsupiamu.
Aentsjig yajau wajainachu nuwigtush takau
wajakin aidau, tujash utugchat ajuidau: wekaetai
najatkamuk besekú.

Untsug jintak, kajanum wekaetai tutaig,
taumnaku kagkugkú aidau. Egkemja wekaetaig
waanum awanawaig tusa ayantenau, tuja diisa
nagkaemataig shiig beseká awagketaiya nunin
aidau. Inamnuk, Muun Elocuente, tsawanji
jegae takat dutikmain tumamiu.





Tsawan esat ai, muun Elocuente ipaamau yaakta
ejapen ijunjami tusa. Muun aidauk tuwakú papí agaja
sujutai yantamen, inamin chichaun antuktatus, nigka
papaimunum wajainu nunik jiiká chichakú:

—¡Wakétaig muuntug aidauwa, juti
waketaiji Puntovíak wekaetai shiig
najatuamu amainai!



Nunin asamtai, takat pegkeg
amainun anentaimtugjai:
namaka nuwi katitai
najanatnun. Tujash
katitai wainka najanamu
achattawai. Duka atatui
Katitai Pusut Ijutkamu.





Batsatkauk uwejin awatiaju, shiig aneasag.
Inamnuk emau:

—Juka katitaig ajittawai kampatum esajam
ajintuamu, maki makichik pusut ijuja tenteamu.
Achimka wetai aidauk iwajamu atin tuja kashi
ekemataig puyattsa chichatai aputusmau atin.
¡Wajuk tumamji nunu iwainmamau atatui!



Yacha aidauk takata nagkamawaju. Nugka
tautaig nugkanak pukujú, tuja achika takau
aidauk katsugma aepjukaju. Kaja aidauk, tuke
jikatus, diyaaku aidau takatan. Pusut ijumuk
shait tsentsakbaujai antinikag katitai minagji
wajasaju. Iniimtaiya duka shiijash
jiinkit tusa iniímaidau.



Nagkánmaunum, tsawan jegau shiig
anentsatin. Puntovíanum batsamin
aidauk tuwaku namaká wenin.
Inamnuk sentá tsupiku tuja Katitai
Pusut ljugmauk shiig muun
wantinkau namaká katitak.

PUENTE DE
LOS PUNTOS
SUSPENSIVOS

 **OSITRÁN**
Contigo en tu ruta

Uchi aidauk jintá tupikaidau,
achimtainum kajá mamikiak. Anuntin
aidauk dushiki katinau, pusut pusut
ijugmau yakí atatman wakejus diiki.
Antsag waugsa chichataish pusa pusa
wajainau shiig anenak.

ENTE DE
PUNTOS
PENSIVOS



Duwi nagkamnas, Puntovíak
tajimat wajasú. Ijagkak kawem
wajasú, tuja ijainak yujaidauk
dakumamainau kajajai
nuwigtu pusut ijumu aidauij.
Inamnuk, shiig aneas,
nagkanmaun chichakú:

—Wakejusa tsanitaig aidau, tuke adeajagmi najanmauwa duka imá cemento jijujaigkechui. Waji dutikatag taji dusha imanke nuwigtu ii ajutti tusa wakejamua dushakam. ¡Katitai Pusut pusut ljugmauk anentai sukagtusti duke diisa ematin atakea duwi atin anentaimtusa!

PUENTE DE
LOS PUNTOS
SUSPENSIVOS

 **OSITRÁN**
Contigo en tu ruta

Osi wekaesamu

LUCERO SHANTAL FERNÁNDEZ SHUPINGAHUA

COLEGIO DE ALTO RENDIMIENTO SAN MARTÍN

2.º puesto

Papíjam Aidau

Wii tikich yujaina anmamtuk, makichik bikintu Callao tuwakmauwa nuwian, tsawantai wekaetaijui wakitkijai, nuwigtush asau kuwashat pampamu jintá nunu yaakat pujut wegakmauwa nuwi, Kaya wegantu najankamu chimpitainum jegattak. Tiki diipasan wegau, jinta pinumamunum nuniaun wakejukin, egkemja wekaetai nuwigtu aents aidaushkam nagkaemamunum tetegtau, nuniamunum, pachiachmau, antuchtai shinamun antuku.





Ayampakman, wainkau pishak numiuchi ekaetin
yaig nugká tepaun. Nuna pishaka niimég
kinagtachu tujash etsa wajatam kinagtau, tujash
diyamak puyatjumain; iyaáju nuniak nanapenig
kupinauwa nunin. Anentainkas, diipasan
jegantau. Uweju awentau jukitaskan nuniakun
niina pujutchijin antugkau. Nuniamuik, dekaú
niijai antugdaimaun. Nigka atsumau yaínkan
tuja wii, tsanimainjun atsumau, mina jintajua
nuwi uyunkagtinun.

Jegá jegaán jitusa diisú numiuchi ekaetin
kupinamun. Shiig anentsan kuwitamsan
jukiupempématain nuwigtu waugsa
ampimatai chimpiamun nunikan, nanapen
pempenkun, wajupa najaimamainaita nuna
anentaimtau. Daajin Osi aputusu, ijunja
takatai anuumtai najanku takamun diinu
daajin nuwi tikiju iyag tepaun wainkau
asan; nuwigtush, shiig wantinu
antsag ujé niimejaish
shiig pachimnau.





Kashinia duwi, wajina dutiknaitja nuna yapajiau. Osi mina yaaktaju wainkati tusan wakegau, nuna niimeg pegkejuch usugmau mina jegag yaijuch imanchauwa nuninchau. Ijuntsa wekagu waji sujutai nuniaku diisu kuwashat tinamja sujutai, wainkau yamajam pujut yaaktanmayan Osi shiig anentamu. Makichk kuwaemauwaik, nigka shiig aneau, wainchataijin diyak wajukeawa nuniak mina yaunchuk anentaijui ejetau.

Osi dukap atsuk
anemtikagtin wajasú.
Kashi kashikmas,
kajintsuk, shiig aneas
ejesmak ishintau, jegá
machik supatak. Mina
atsejutaijun nuwigtu waí
20 mijan takakmajua
nuna juwaun waitchakug
tuke nuniau, nunikan
diipasa tsuntsuma jukim
entsamkatatus.



Makichik tsawantai, Callao ejapen ijamunum, senchi
najati aepsau avión nagkaemaun etsa nanapen
wajatam winchantaun wainkan. Osi wakan wajas diyau
nunia megkaekau, jiinig wainnau nii wakegamu,
nigka ataktu nanaktatus wakegauwa nuniau,
tujash kupinamunak shiijak tsagachu, eke
atimamainchau jiju wainmainchauwai
jigkamu asa niina pujutin datupaju,
datupau nii dekas yaita nuna...





Atak atina nunu takatá sujusú. Dekau,
shiig tsagajag, Osi nanamain, tujash
¿nanapen betek pegkeg wajaschamtaisha?
Nuna anentaimtaknuk wake besemag
dekapeu, nunitai anentaijuk menaku wajasú.
Nuniakuish, tsawantai shiig anendayau, shiig
awagdaimau chichamnak wagaju.

Makichik kashikmas, jutik tuke ijau asa, weu Aeropuerto Internacional Jorge Chávez. Aviones aidauk tepetag, nii uminas nayaimpinum nanaáktatak tepenauke. Osik wakan wajas diyau nuniak yaunchuk avión wainkamun anentaimtau wajau. Nunui wayá wegamunum nigka nuna diyai, wika tuu avionnum wetatji nuna egau. Osik mina yakaijui eketu, manchuch bikintu makichkish wemainchauwa nunik.



Wekaetaijua nunisnuk
wekaesan jegantú wii
ekemsatnunum, wetinuk
jegantú. Dekau tuke
wekaetaignak nuwigтусj
ijagsatag tabaush atsugtau,
tujash Osi nanakti tusan
wakegau, niina nanapen
nanamchakush tuja
aviónkanum egekmag.




Tuja nagkanak avión nanakmatai, shiig
aneamu ajuttsau. Osik niimtainum niimu,
yaunchkek jiig imanikag winchantuchu.
Aan yaki takunjin, iyashchijig sunatu
senchi dasenmaunum buchittai,
nuniakui adeaju tsaniasa
nanamaun, wiki anentaimsan.
Machikish anentaimtugchau
nanaktinnak aan nagkaemas
dekas tsanитай mina anentaichig
ajutan antinjukua nujaig.



Jegatnunum jegá
iyaája, nanaktasa
dakamtai Cadete FAP
Guillermo del Castillo
Paredes nugka akankamu
San Martín jegámunum,
yamajam nayaim wantinu
jutinum. Dipasa jiinkiu
aviónnumia, nunikan diisnuk,
dekau juka yama nagkamaun.
Yamajam jinta dakagmainau. Yamai
nagkamsaik, imá jimajush wakan
yaakat Callao wekaechau,

antsuk jimagtusa dekatan ibau
nugka jutinum wantina nunu, juti
nunikmau juti pujutin juwaktin
antsag ikamia kajimatkichmin
juwaktin. Anentaimtugmaunak
umikú, Osik ataktu nanaku,
yaunchuk nanamá wajakmauwa
iamanuk achakush, tujash
kuwashat uyumaku nii ataktu
shiig aneasti tusan, au yaijuch
iwaaku mina anentaijui
wayau nunikmatai yaigtajai
nii tuwig mayatmaun
nagkankat tumamiau.

Tikichia duka, dakamsa egkemja nanamtai juti nugken umikmauwa duka eme anentsa diimainai, wagki ditai tikich yaakat aidaujai igkumtikagtau tsumunm, menanum, ejapen nuwigtu Perú nujinchin. Duka anmamtuke wekaetai najankamu kuwichik égkektajum tusa tsagakamkamu takainamu pujutan iwaintugmaji, yujumak pegkeg aidau yuwamun, tikichi pujutin nuwigtu tikichi nunitaiji aidau nayantsa ajuntaijin, mujayan nuwigtu ikamian. Juju jutik wekaetai umikmaunum, Osi wijai jegaji wemaunum, íkam peruana.



Dakamtai augmattai nuwigtu Yacumama

JHONY ARMANDO RETIS CABALLERO

COLEGIO DE ALTO RENDIMIENTO UCAYALI

3.^{er} puesto

Papíjam Aidau

Anuumtainum imanik aents pampaina
nuwi, nuwi chimpimja yujatai nuwigtu
kanushkam yujau namak Ucayalinum,
yaunchuk augmattain etsejaidau.
Aentsuk tuwidau namaká initken Yumi
muunji pujuwai tusa, dapi shiig muun
nugká kuwitamin.

Luis, datsa anuumtainum takau, nuwigtu Pedrito, uchi batajuch nii nuniktatkug yaimu dakamtainum, dekainau Yumi muunji augmattain. Dita ayatak augmattaiskaita taushkam aidau, ditak augmattaiya nuwi waji iman awastai anentaimainau.

Makichik tsawantai, etsa yujagminum ejamai. Luis Pedritojai wainkaju namak senchi tsukatun. Tsukatig shiig muun imanishtaijin tuja yumik kusukua nunin. Chimpimja yujataig ebetmainchau buchitaidau, nuniamunum dase shiig senchi dasentu. Anuumtainmak waugtaku puyatamu au.





Luis Pedritojaig shiig dekami tusag jegantaju
anuumtai tugkitken. Pdrito, niimkauk, yuminum
wainchatai aun wainkau: ikamia agamatai
namaká initken winchantaun wainkau. Shiig esetug
diikmá, wainkaju anuumtaishkam yumpunjau;
baku ajigmauk tsantsugkaju tuja numi kupinjau
namaká nanataidau.

Nuna diinak, Luis Pedritojai wainkaju namak dauk wajasun. Tsetse nuwigtu waji utsagmau nanataidau, nuniak senchi mejeamu atsanmainchau. Tsuwapakbauwa duka takau aidau namaká utsagbau imatikanap tsuwapaktatja tusa anentaimtutsuk. Yumí muunjig, augmatmauwa nuwig, kajekú pujutaiji tsuwapatkamu asa.





Dapi ímana duka tsaitá nagkamau: tsetse tuwakun
buchitak tajáu, chimpimja yujatai shiig jigkachmaunak
tsayau, nuniak yumí chichcijam emak takau ainaun
puyatjumain awaju. Nii kajekbaujin aika iwainau
nuniak namak wajuk tsuwapaji nuna iwainkagtau.

Luis Pedritojaig dekainau wajig dutikmainaita
Yumi muunji mijakti takuish nuniaku namak
iwagmainun. Anuumtainum takau aidaun
ijumjau nunik ujakaju wajina wainkaje
nuna. Ashi tumamiaju dekas enematjami
anuumtaiya nuwi Yumi muunji seé taku
tusag nuniaku tsagkugtugta timi ibatika
tsuwapakag duwi tusag tiaju.

Eneemamuk asau nantu antumai. Anuumtainak
yagkuja batsatuk iwajaju nuwigtu yujumak
nunui tuke yutai aidaunash ajamasaju;
pantak apusaju paampa ijuja nanegbau kuchi
pegkamujai nuwigtu ajus yumintsak ukukamun.
Eneemamunum, ashiti namak kuwitamnakti
nuniaku tsupachmi tusa tiaju. Tsuwamja
kuwitamauk yamailk tsawantai
takatai wajasú.



Nuna dutikainai, namakak mijamu. Tsukatmauk
ujumak wajasú, daseg mijaku, nuniak
anumtainmag bitat wajasú. Nuwi nagkamnas,
anuumtainmag shiig takamu asau,

tujashkam nunií nagkaemas iwagnag. Luis
Pedritojaig wainkaju dakamtainum takat pegkeg
wegaun nuwigtu shiig aneasa batsatainamu.
Takau aidauk nuwi unimajaju nuniak tsetseg
namakag ajapnachti tusa jintiajaju.



Anuumtaig imá sujutai aina dukechu, antsuk
dekas Yumi muunji ajantusa diitai. Luis
Pedritojaig unuimajaju nugka kuwitamku
yaunchuk augmattaijish ajantamu, nugkajai shiig
antugdaikauk amaina nuna.



Nunikmatai, dapí dukujig
namaknak kunajin nagkamas
kuwitamu, aents aidau nii
pujamun dekawag nii aneasa
pujamua nuna kuwitamkami
tusa tumamiaju asamtai.

Dekapeaku jintamkam

JERVER LENIN GONZALES TOLEDO

I. E. JOHN F. KENNEDY DE ICA

1.^{er} puesto

Jintinkagtin Aidau

Tutitag wajainamu bikintujin yunumak


Ashi nagkamnau miércoles 7
diciembre 2022. Umintsau
dekapmamsatasan lwainaka
Jintiaku Takat 2022
yaakat lcanum, kuwashat
tsawan papí ausan.
Nuniktin anentaimtamuk
paan: nunu kashi
ayamjan tsawakun
kashikmas wetin.



Tujashkam, bitat batsatmauk tutitag wajasú
nunu tsawantin pamuk Pedro Castillo takatai
aidaun epentag timatai.

Duka chichamak
tutitag wajasu ashí
nugkanum. Ijunja
takatai aidauk dakitjaju
nunu nuniamunak, tuja
kanawe ainauk jiinag
ukukiaju. Suntag aidau
kasá achindaushkam

atukcham, duka dewakú, tujash
nugkanmak dekamainchau pachimnaju. Untsug
jinta Nujinmak, nugka kanakú Chino batsamtaiji
(km 262 tutai), Salas Guadalupenum, nugka
akankamu Ica, nagkaemamainchau epenkaju,
anentaimtugmau umimainchau tutitag wajianak.



Nunu kashia duwik bitat pujumainchau wajasú. Tutitag awatusu, tsawantak atsanmaichau atushta nunin wajasú nuniak, nuwigtush, waamak nagkaemauwa nunin wajaspu; chicham etsegtai aina nuwig mijachu untsug jintanak epeniagtatui tusa étsegmau, nuniakui wetajash atsa wéchatjash tamaunum nuniktag timaunak megkaekau.



Anentaijuk wainak pachimnaku: dekau atakea duwi minau nuwigtu patajunu atina duka nunu depapmama awa nuwi au, chichamak yujaku ujanitai aina nuwi. Ijunja takatai aidauk waamak dakitjaju, nunitai ashi nugka nuwig dekamainchau wajasú. Jinta aidaunmak tutitag wajainau. Wika yawetakun imanmain dekaeau. Ica wegamuk, nunu wegamua duwikek paka wantinu, tutitag wemainchau wajasú. ¿Wajuk jegatjaki? ¿Dekaskesh tujimainashit? Senchi kiyagmatai kajak shiig atsanmainchau wajasú. Kashinia nunu tsawajai, mina apag, wii waitiamun waitkau, tanta tujutu:



—Uchiju, dekas yamai wemainaitme. Imanikaik dakamait sui. Chichame, kakakan tachakush, ii puyatjamun uugtamu.



Nayaimpik suwe aig, ekemiu
kagkaetainum nunika weu dakamsa
ekemja wetainum. Jintá tujutiu egkemja
yaakat Ica wemain atsakuig, wii juwi
ekenin emamainaitjame tusa.

TERMINAL DE BUSES

Nunuig tutitag wajasú,
tuja wajuk wemainkita
duka imanik atsau.
Ayatak yaakat
Pisco akikmaka
wemainuk au. Juwi
juwakchatjash tusa
niimai, tujutun antuku:

—¿Ica wegamek? Chichameg wii wetasan anentaimag imanuk. Duka jintinkagtin, wiiya nunin niishkam eke aig jegá dekapmamain naamkatatus. Niijai weenau nuwe, umají nuwigtu dita jimaja nuna tsanitaiji aatus, ashí jintinkagtin, wiiya junin, ditanu atina nuna wasugkamainau dekapmamainak. Diisú, aité dakitakun.

—Wika jintinkagtinaitjai, amijai betek. Mina duwajush jintinkagtinaí, tuja jegatag taji naamkatasa dekapmamaunum. Dewamaitsuji. Nii tumamauk dekaskenum, nuniakui, juju chichamjag juwig wiki wekaetau dekaeachu.

—¿Wajinpa? ¿Nuniktajai tamek? —tusa tama,
eke aimtsaig, tikich nuwa jintinkagtin ijus wajau
eemak aimkau:

—¡Wika atumjai wetatjai! —chichakú nuniktajai taku jiinig
winchantak. Machik wajantú, mina apaju diyakun, nigka
takamtak nuni ati tiu.

—Atumjai wegajai —tiu nagkankun, wii nuniktajai tumamau
wajuk mina yakaijui ekemua nuna anentaimesan nuwigtu,
mina anentajui, duwajui nuwigtu uchijui.

Anagtuinamunak aiktajai tiu. Wegamu
ishaamainnak dekau, tujash nuniktajai
taku nunu jintinkagtin jiin wajuk
niimsae nunu wakemitkagkau.



Ipak usumat aents kaninka
egkemjau ukunum, tutitag
dekapeaku puyatamush aig,
maki makichik sapigmamuk
aig jegatag tamaushkam au.
Anentaik tetegtak buuknumak
puyatamu aig, apaju akatjau,
niimkug puyataitak
ememamush ajau:

—Kuwitamamkata, uchiju —ashishmaju
eke kanatsjinig. Aatus, nugkak
utugchatnum aig, jutishkam lca weu, jintash
wajinak iwaintugmakti duka anentaimtsuk.
Wegamu ishaamainnak dekau, nunimainchau
nuniau tujash makichik anentai, tujash awake
anentaimau atsau.

Jinta wainchatai

Uweja amua aents chimpimjá, nunak
yamaikish dekatsjai daajinak
wayawajuashit nunakesh dekagchau,
tujashkam seé tau ditan, wegaju Chinchu
juwaki Ica. Chichatai aina nuwi,
ujapainau untsug jintak jiju najantai
Aceros Arequipa Pisco awa
nuwi epenmauwai nunitai
nagkaemamait sui tusag.
Jintinkagtinuk, tikimap
niimas, tiu:



—Auk Pisco ajuntaijinis wayatagtai, San Andrés
nagkaemaktasa nunika Paracas jiinkitasa.
Nunika ataktú achiktatji Nujinum Untsug jinta
Ica jegatasa wegag nunú.

Anentaik nunimaina nunin. Nunu tamawaik, nagkaikiu batsatkamu Pozo Santo tutai nunika shiig aneasu. Nujinum Untsug jinta duka agkan, yujainamush atsau nuwigstush epenchamu. Tujash imanis awa duka megkaekau aents batsatkamu Chino Batsamtaiji tutainum. Untsug jintak epenmau tuja juti eemtin chimpimja yujataig amuukachtin saekau. Ujumkesh nagkaemaktag taunak kayai tukuinau nuniachkush kagkaetaijin intaktuinau.

—Juwig juwamaitsuji
—tiu jintinkagtin waujus.
—Etsag tsawak ipak usumat wajasé tuja dekapmamau nagkamnawai etsa uweja amua kampfatum wegai. Waamak nuniktag taji.

Ukunum waketu juwiktasa. Pozo
Santo jegamunum, jinta
wainmain atsau. Google
Maps diisa, jintinkagtin
wainkau jinta waiti muun
epenmaunum nagkamnaun.
Nuna uyumaku egaku
ujatjamti tusa, tujash makichkish
atsuinau. Nagkanmaunum, nuwa
jintinkagtin aina nuwiya, juwatki,
waiti shitakiu dutikam ujaniu.




—¿Nunimainkait juju jinta jusha
dekas maakeashit? —iniasu
jintinkagtinun, chichamjuig
pimpiayatkun.
—Juti duke dutikmaina nunuwai
—nunimainun aikú.
—Dekapmainaitji. Juju jinta
ejetamattawai lca.

Nunu jintanu wegamu, waamkes kayam tepaju
jegachmin wajasú. Iká untsunika chichataig
megkaekau nuniak wemau pataeka wemainuk juwaku,
imatika wainmainchau aidau. Kuwaeka
wegamunum, igkuniu
chimpimja yujatai
mininaujai yapajinku.



—Icanmaya juwakish wajupa etsa wegai taume?
—iniasu jintinkagtin anuntin aina nuwiyan.
—Uweja amua juinia kampatum ijuka ewaekan
—aimkau aishmagkuk, jutin iwaktamak.



Nuwig kashikmas etsag uwejá amua
tuja dekapmamauk nagkamnatin etsa
kampatum dekananag nagkaemai.
Jintinkagtinuk, shiig aneastinme
tabaunum, tiu:

—Ditak kashi wegaje. Jutik nunimainai.



Kuwaekau, juti eemtin ibau ajuntai wegkag
ashimkachmin wegai. Chichainau shiig
aneasa wetasa.

—Tikich muja kayama nuwi jegakuik,
kucha Huacachina tikiju wegaku
anmainai —tiu jintinkagtin
aina nuwiya makichik, tsanigka
weenag nunu yawejainum tusa.

—Tujash pujut amain atsau,
auk wagaku diyajai —tikich tiu
puyatus— Kayamak imá kuwashat.

Wakanbaemauk paantu, tujash
atushat wiyakuch takainamu
nuwigtu jegash wainnakmatai,
nuniktin anentaimtuju ataktú.
Nagkanku, jegau batsatkamu
Carhuaz tutainum. Shiig aneami
asau yaakat lca jegatin
tikiju wajasmatai.

Jegá, dekatkauk ejegau jintinkagtinu nuwe papí augtainum Antonia Moreno de Cáceres. Jiinkui diinisu, kuwashat tumain au nuwigtu wajuk awagdaikaji dushakam, tujash wainichu ainau. Nuwa jintinkagtinu akateakun tiu:

—Wayata suwamunum nagkaemakiu atá. Nigka ayatak dushiju yawejá.



Tsawan atsugtamsau aan nagkaemas tudaiman. Waugtamu asamtai waamak akatdaijau. Nunikan, weu wayatasa sutatna nuna uyumakun tsawantash machik ekekmau achatoach wayaamun nuna iniastajai tusan.

—Eme anentajame, tujash waitig epennattawai kashikmas etsa 8:30 wegai —tiu tutupit— makichik jintinkagtinkesh waimaitsui etsa mamikiamun ewaekag.





Egkemja wetai Tinguña wegaunum wakau,
pimpikin nuwigtu yapagkin, agkuantai nuwigtu
kashikish yuwachmau.

Wakan wajasa, waugtuku. Jintinkagtinuk
susatin papí augtai San Luis Gonzaganum tuja wika
papi augtai distrito Tinguña amaunum. Akatdaiku
wainiami tiu atakea duwish wainiakchatin, tujash
kuwashat seé tudaiku tujash daakesh dekachaitku.

Papí augtai wii sustna
nuwi jegaán, awentsanuk
iniimsau wayatnunasj
están ekekchajeash tusan.



—Eme anentajame, tujash
makichkish dutikmait sui —tujutiaju
yapajimainchaun. Tikich
dutikmain atsakui, kagkajuig
tempemaku nuwigtu pimpikiu,
wayau papí augtainum
naamkatnun dekapmamkun.
Pimpikmauk nujanjaig shiig
muun, tujash wagka imajuish
taaja nunu senchi sujau
wajina nuniktatja nuwi.



Dekapmamku susamu wáketbaujai

Etsa ewaeka wayamuk atsuttawai tujutiaju asamtai, waugsa wayaajai. Waya augtainum jegakman, betek achamun wainkau: 50 % nagkaesau jintinkagtin eke taachaju. Utsanawaja nuwig ashishmainamu nuniak tutitag. Dakamku pujai, chicham tutitjachu taú:

—Dekapmamku suwamuk etsa tajiagtatak wegai atinun ekekaju, kuwashat jintinkagtin aidau tuwi antiawa nuwi kaunmainchau untsug jintá epenak tutitag wajainau asamtai
—etsegkau nuna chichamjau maak juwamainu anentaimtus chichaká.

Kajak nujanjaig atsanmainchau.
Imá yuminak umumain nuniak
asyumamunum wemain,
wagki papí augtainmayag
jiinmainchau. Uwejá
mai amua minutos
nagkaemai, jintinkagtin
pimpikí tainau. Iniasu
wajuk nagkaemakiaje Chino
Batsamtaijinish:

—Tsawaku ahé ahét nagkamsa
miniu —makichik aimkáu
pimpikí nigki chichagmamua
numamtuk chichaká.
—Minamuk shiig utugchat,
tujash tuke nagkaemakiu.



Pimpikmauk paantu ashinum, tuja
kuwashat jintinkagtin kajigkaju
wayatasa suwamunum.
Kajigkainum tusa ibatikamash,
kaja imá senchi wayatasa
suwamun nagkaesau. Mina
anentaijuig, nagkaemaktatme
tumamu. Uchijui anentaimu,
tikich nату aina nuwi
makichik mijan ajitin.
Dutikmain ajutuina nunu
shitatu minau iman
dutikmainjun. Nagkankun,

tsawan amukamtai, susau wii dekapmamku
aimkamun shiig dutikau atajai anentaimsan.
Minaig, atsumnamainun dutikau anentaimu.
Ayatak dakau wajuk jiinkitig tusan.



Papí augtainmayan jiinkin, yumainun egakú.
Chinchak shiig waketmainchau, bus wemain
atsau. Kagkaeka wetai nii dekapmamsatjai
taushkam aidau lca taatasan minimua duke
wetatus, tujash shiig
senchi akik.



—¿Dekaskenum ibau akikkait?
—iniasu anuntaina nuwiyán.
—Jehé, shiig wekaemainchau
wajasé —aimkáu.


COMPAÑÍA DE BOMBEROS N° 171 OFELIA BANCHERO DE DATORRE



Nunu kashian nunak juwaktajai tumamiu jii
ikagnauwa nuwi, Ofelia Banchero de Datorre 171,
wainkauch yaimkun. Domingo jegamtai, ashi bitat
wajasú nunikmatai mina jegajui wakitkiu, utugchat
atsaunmak. Waketmauk tutitjachu nuniakui
anentaimsau ashi inagkakmauwa nuna.

Jintá anentaimjamu aidau

Jegá jegaan, duwag, apag, ubag shiig aneas pagkugkagmatai nuwigtu mina uchig shiig anenjusmatai, waji nuniku ainau kuwashat anentai sujusú. Ayatak wayatasa suwamu imanchauwa nunu pujutnum unuimamu wajasú, kakakan wajachat nuwigtu íman adeagtin ii tikichjai wajukeaji nunu.





Jinta epenmau ainau nuwigtu jiinja
pampainamu nagkaikimua duka ima
wegamunak tutitag awatamkachu, antsuk
utugchat aan muuntan iwainakaju: tikichi
ayamke aidau ajantut atsumamun. Untsug
jinta aina duka shiig atsumnau aents yujastin
nuwigtu waji aidaushkam inagkaktin;

juka jinta tikich batsatkamujai
wainiktin, waji atsumaji nuwish
wetin nuniak juti pujutin yaijatu. Jinta
epenmauwa duka tikich atsumamu ajam
wetag tuwina nunak waitkatsui, tikich
batsataina nunash waitkawai nuwigtu
batsatkamu aina nuwi ashi, pujutak nii
wainkati tusa.

**OSITRÁN**
Supervisa esta
carretera





Makichik kashi tutitag wajakmau jintinjuau tutitag wajatsuk chichamjumta imanjin. Anentaimau tumamat ayamak ajutkagta duka shiig pegkejai, tujashkam duka nunimainai tikichi ayamkesh ajantusa nuwiggtush tutitag awagdaichamunum. Tutitag wajaku untsug jinta epegka emamua duka aan nagkaemas pachimnak waitiamun itaawai. Tutitag akui chichamjamuk antugdaikatasa chichata nunu amainai nuniaku epegkatin, tikich aidau waitkatsuk.

Juju junin aina nuwi, nunash adeaju anentag yaimta imanjin, mamiksag takat waugtamu aidau anentag jii ikagnaunu. Jii anentag ikagnau batsatmaunum kanakun, dekaú batsatkamunum maak batsamat yaimau imanjin. Yumí ukatin aidauk,



tuke aneas tsawanjin takatjinash apujaina duka, kakajam tsawantai tuke uminas batsatui puyatjurnain atai yaimkatatus, tujash untsug jinta akijuawagmatai utugchata igkuawai janakai tusa yaimkatakamá.

Wainkauch yaima duka imá batsatkamunum dutikatnuna tsagkamtsui, dekas jintinkagtawai dekaskenum wait anendaitan nuwigtu yainitan, tsagka atan. Waitiamu awa nunitai, wii pujusag nuninnum, wainkauch yaimainau ataig tikich wegawai.





Uku diyamak, unuimajag
duka utugchata
nagkaikin dekapmamkun
susattag dukechu.

Unuimaju juti wajukeaji
nunu tikichin wajuk
waitkawa nuwigtu betek
ijunja ajantunisa eme
anendaisa takata ímanjin.

Unuimaju maki makichik
wajukatag taji duka anentai
jukimu amain juti ímanji wajukeawa
nunu anentaimtamu nuwigtu wajukeaji
dusha wajuk wantinua nunú.

Yamaya juwik jintinkagtin wajasa pujajai papí
augtai John F. Kennedy Chinchanam.

ACTA DE EVALUACIÓN

FECHA: 23 de septiembre del 2024

Miembros del jurado: Ricardo González Vigil
Anahí Barrionuevo
Leonardo Dolores Cerna

Luego de realizada la evaluación de los cuentos participantes por el jurado calificador, conformado por Ricardo González Vigil, Anahí Barrionuevo y Leonardo Dolores Cerna, se procede a declarar a los ganadores del Séptimo Concurso de Cuentos "Ositrán, contigo por las rutas del Perú", en las categorías y en el orden de mérito señalado:

PUESTO	CUENTO	ALUMNO	I. E.	PROCEDENCIA
1.er puesto	El viaje de las comas	Matheo Valentino Rodríguez Aleman	Alexander Fleming	Arequipa
2.do puesto	El viaje de Osi	Lucero Shantal Fernández Shupingahua	Colegio de Alto Rendimiento (COAR) San Martín	San Martín
3.er puesto	La leyenda del Terminal y la Yacumama	Jhony Armando Retis Caballero	Colegio de Alto Rendimiento (COAR) Ucayali	Ucayali
Mención honrosa	¡Papá, viajaré alrededor del Perú con mi abuelo!	Marco Sebastian Cardozo Rosales	Colegio de Alto Rendimiento (COAR) Ucayali	Ucayali
Mención honrosa	El guardián de los caminos	Camila Luciana Rojas Alva	Sagrado Corazón de Jesús	Piura

PUESTO	CUENTO	DOCENTE	I. E.	PROCEDENCIA
1.er puesto	Caminos de prueba	Jerver Lenin Gonzales Toledo	John F. Kennedy	Ica


RICARDO GONZÁLEZ VIGIL
Presidente


LEONARDO DOLORES CERNA
Miembro


ANAHÍ BARRIONUEVO
Miembro



www.gob.pe/ositrn



Síguenos en:



ositrnperu



@ositrnperu



ositrnoficial



@ositrnperu



ositrn.pe



*Promoviendo
el talento y
la creatividad
literaria*